
CEREOLI MEDICATI ; CATHERES; TURUNDÆ ET PESSARIA.

CEREOLI MEDICATI.

SYN. *Cerei s. Candelulæ medicatæ.*

CEREOLI COMMUNES.

¶. Ceræ flavæ libram unam.

Leni igne liquefactæ sensim et sub continua agitatione instilla

Acetatis plumbi liquidi unciam semis.

Vel :

¶. Olei Olivarum libras tres.

Ceræ flavæ libram unam.

Oxydi plumbi rubri libram unam semis.

Coque leni igne circiter per sex horas.

Vel :

¶. Ceræ flavæ libram unam.

Terebinthinæ Pinus-Laricis uncias quatuor.

Leni igne liquefactis et parum refrigeratis
adde probe movendo

Sulfureti hydrargyri rubri unciam unam.

Miscellæ debitæ paratae immerge linteæ variæ magnitudinis quæ dein lege artis convoluta intra duos asseres vel lapides politos effingantur in cereolos varii voluminis.

NB. Quidam, loco linteorum, cum successu adhibent vellus (vulgo *Charta s. Membrana Pergamenta dicta*) convolutum, probe agglutinatum; dein massæ immersum.

CEREOLI EMOLLIENTES.

A. Ceræ flavæ libras duas.

Sevi Ovilli,

Olei Olivarum, ana uncias duas.

Simul leni igne liquecant ut fiat massa cui linteæ variæ magnitudinis immergantur dein in cereolos efformanda.

Usus Cereolorum : 1. Ad dilatandam urethram, vulvam, anum. 2. Ad compri- mendas et delendas carunculas aut excres- centias. 3. Ad curanda ulcera urethrae inveterata. 4. Ad curandas blennorrhœas aut purrias urethrales. 5. Ad excitandam aut revocandam blennorrhagiam male suppressam.

CEREOLI EX HYDRARGYRO.

N. Ceræ flavæ uncias sex.

Acetatis plumbi liquidi unciam semis.

Muriatis hydrargyri drachmas duas.

Fiat massa pro cereolis methodo mox indicata efformandis.

Hi cereoli magis irritantes sunt quam præcedentes, hinc ad blennorrhagiam suppressam revocandam efficaciores.

Eidem scopo serviunt :

CEREOLI EX CHORDIS FIDIUM.

CEREOLI EX RESINA ELASTICA.

N.B. Tubi seu Cereoli cavi ex resina elastica majoris diametri, per os aut per nares in pharyngem introducti, etiam egregie serviunt ad nutriendum corpus in dysphagia ex spasmo, paralyse aut vulnere pharyngis ; item in tetano, hydrophobia, asphyxia.

CATHETERES.

CATHETERES EX RESINA ELASTICA.

EX ARGENTO.

USUS : Urinæ suppressio. — Item ad curandas fistulas et ulcera urethiræ, perinæi

aut vesicæ, prohibendo sic ne urina per-
petuo per fistulam stille.

TURUNDÆ.

TURUNDÆ EX SPONGIA OFFICINALI.

Spongia officinalis siccata per se; vel
ceræ immersa, ðein expressa et in por-
tiones variæ diametri concisa egregie servit
ad orificia sinuum et fistularum dilatanda,
ut puri exitus facilis pateat et injectiones
commode fieri possint; nec non ad vulnera
aut ulcera aperta tenenda, ne cicatrisentur
aut equam basis eorum pura et repleta sit.

TURUNDÆ EX CHORDIS FIDIJM quæ hu-
mefactæ intumescent.TURUNDÆ EX CFREOLIS VARIIS. Vide
Cereoli.

TURUNDÆ EX LINTEO CARPTO.

Huc etiam pertinent.

PISA aut globuli ex variis aliis substantiis
ad fonticulos apertos tenendos.

P E S S A R I A.

S Y N. *Pessus; suppositoria.*

Optima quibus hodie utimur sunt :

PESSARIA EX RESINA ELASTICA S. CAOUT-
CHOUC PARATA, ovalia vel cylindrica
 variæ magnitudinis.

Possunt etiam fieri ex auro, argento, ebure,
 subere, spongia simplici vel spongia inclusa
 in sacculo ex linteo aut serico vernice obducto;
 vel ex vesica quæ vaginæ aut ano immissa
 aëre inflatur.

U S U S : Præprimis ad prolapsum vaginæ,
 uteri, recti; et hoc scopo in medio per-
 forata esse debent ut sanguini menstruo
 et fæcibus exitus pateat.

N B. Fiunt etiam Pessaria ex Spongia me-
 dicamentis adstringentibus variis aut aceto
 imprægnata ad sistendam hæmorrhagiam
 uteri vel narium.
